

Այսպէս թէ այնպէս, հայ-վրացական պատերազմը վերջացաւ: Բանակները կատարեցին իրենց պարտականութիւնը: Խօսքը անցնում էր քաղաքագէտներին:

*

Քաղաքագէտների գործը, սակայն, հեշտ չէր լինելու. պատերազմն ու յարակից դէպքերը չափազանց շատ էին լարել կրքերն ու խառնափնթորել կացութիւնը: Մանաւանդ, վրաց կառավարութիւնը եռանդ չէր խնայել այդ ուղղութեամբ. պատերազմի ընթացքում հայերի վիճակը վրաստանում ոչնչով չէր տարբերուում այն վիճակից, որ ստեղծւել էր Թիւրքիայում, պատերազմի օրերին: Հայաստանի դրամները բանկերից և հայկական սետական գոյքերը գրաւեցին:

Հայաստանի ներկայացուցչութիւնը փակեց: Վրահայոց Ազգ. Խորհուրդը փակեց: Գաղթականական ու որբախնամ մարմինները փակեցին: «Աշխատաւոր», «Նոր-Հորիզոն», «Կաւկ. Սլովո» և մի շարք ուրիշ թերթեր փակեցին: Բաղմաթիւ հայ գործիչներ, Թիֆլիսի քաղաքային խորհրդի ղեկնակցական անդամները ձերբակալեցին: Հայ միլիցիոներները արձակեցին պաշտօնից: Սկսեց մի ալլանդակ հալածանք բոլոր հայերի դէմ անխտիր, զգուշի հայորսութիւն Թիֆլիսի փողոցներում: 1918թ. յունւ. 8-ին, Վրահայոց Ազգ. Խորհուրդը վրաստանի կառավարութեան ներկայացրեց մի յուշագիր, որ ահռելի մանրամասնութիւններ էր տալիս հայերի նկատմամբ գործադրուող կամայականութիւնների և բռնութիւնների:

«Պատերազմական գործողութիւնների սկսելով, ասում էր այդ յուշագիրը, հանրապետութեան կառավարութիւնը վրաստանի հողի վրա ապրող բոլոր հայերին յայտարարեց ռազմագերի՝ կիրառելով նրանց վերաբերմամբ ճնշումներ՝ բանտարկութիւնների, Գուլագիսի նահանգն աքսորելու և այլ ձևերով... Հպատակութեան Օրէնքի թերութիւնների պատճառով, պատերազմի հէնց առաջին օրից ստեղծւած թշնամական միջոցառումներ խուզարկութիւններ, ձերբակալութիւններ և աքսորումներ կատարող միլիցիայի և յատուկ զօրամասի պաշտօնեաների առջև, բաց արաւ լայն հեռանկարներ առէն կարգի ապօրինութիւնների հայերի նկատմամբ՝ ակներև կերպով չձերբակալելիք անձերի ձերբակալութիւնից սկսած մինչև բաց ու անպատիժ դրամաշորթութիւն: Հայերի վիճակը է՛լ աւելի վատացաւ, երբ հրապարակեցին ընդհանուր-նահանգապետի պարտագիր որոշումները, որոնք, վարչական օրէնսդրութեան կարգով, ընդարձակում էին ռազմագերիների տեսակները՝ մտցնելով նրանց մէջ Հայաստանի Հանրապետութեան զօրքերով գրաւած Բորչալուի շրջանն էլ»:

գինւոր, անհետ կորել 62 և վիրաւորել 60, 5րդ գնդից՝ սպանել էր 19 գինւոր, անհետ կորել 44 և վիրաւորել 14, 6րդ գնդից սպանել էր 8, անհետ կորել 11 և վիրաւորել 18: Կռիւներում սպանեցին հետեւեալ սպաները՝ Վահան Դանիէլեան, Լևոն Գաբրիէլեան, Յովսէփ Գրիգորեան, Արշակ Մելիք-Շահնազարեան, Մարտիրոս Խոջայեան, Ֆէոդոր Թան, Կոնստանտին, Գրիգոր Սաֆարեան, Մկրտիչ Տէր-Յովհաննիսեան, Մարտէոս Տէր-Մարտէոսեան, Մկրտիչ Տէր-Պօղոսեան: Վերջերից մեռան սպաներ Սուրէն Տէր-Ղուկասեանը, Գէորգ Սուլթան Շահը, Թիլիշէյեան, Տէր-Գրիգորեանը: Վիրաւորեցին սպաներ Ալեքսանդր Մամեանցը, Սմբատ Զէրիգեանը, Ալեքսանդր Անդրաբատովը, Արամայիս Բարաշեան-Բարաշեանը, Տիգրան Ազիզեանը, Լևոն Վերմիշեանը, Նիկ. Թարխանեանը (Կոռո), Դարբինեանը և զինւ. պաշտօնեայ Վաստանգ Դաւթեանը: